

欽定四庫全書

欽定四庫全書

吉林出版集團有限責任公司
海 天 出 版 社

欽定四庫全書薈要

史部
編年類

吉林出版集團有限責任公司
海天出版社

目次

書名	卷次	頁次	作者
御批通鑑綱目	卷一二—卷二八		宋·朱熹撰
卷一二 凡二十七年 起丁未漢桓帝永康元年盡癸酉 漢獻帝初平四年		一六七—一	尹起莘發明 劉友益書法 元·汪克寬考異 王幼學集覽正誤 馮智舒質實 諸家所著各自爲 書至黃仲昭始匯 於逐條之下 清·聖祖仁帝就之御 批刊行
卷一三 凡十五年 起甲戌漢獻帝興平元年盡戊子漢 獻帝建安十三年		一六七—五五	
卷一四 凡十九年 起己丑漢獻帝建安十四年盡丁未 漢後主建興五年		一六七—一〇五	
卷一五 凡二十五年 起戊申漢後主建興六年盡壬申 漢後主延熙十五年		一六七—一五三	
卷一六 凡二十七年 起癸酉漢後主延熙十六年盡己 亥晉武帝咸寧五年		一六七—二〇〇	

書名	卷次	頁次	作者
卷一七 凡二十五年 起庚子晉武帝太康元年盡甲子 晉惠帝永興元年 卷一八 凡十四年 起乙丑晉惠帝永興二年盡戊寅晉 元帝太興元年 卷一九 凡十九年 起己卯晉元帝太興二年盡丁酉晉 成帝咸康三年 卷二〇 凡二十二年 起戊戌晉成帝咸康四年盡己未 晉穆帝升平三年 卷二一 凡二十五年 起庚申晉穆帝升平四年盡甲申 晉孝武帝太元九元 卷二二 凡十四年 起乙酉晉孝武帝太元十年盡戊戌 晉安帝隆安二年 卷二三		一六七—二四六 一六七—二八七 一六七—三三四 一六七—三七四 一六七—四一七 一六七—四六一 一六七—四九四	

書名	卷次	頁次	作者
凡十二年 起己亥晋安帝隆安三年盡庚戌晋安帝義熙六年			
卷二四			
凡十七年 起辛亥晋安帝義熙七年盡丁卯宋文帝元嘉四年魏太武帝始光四年			
卷二五			
凡二十三年 起戊辰宋文帝元嘉五年魏太武帝神䴥元年盡庚寅宋文帝元嘉二十七年魏太武帝太平真君十一年			
卷二六			
凡十五年 起辛卯宋文帝元嘉二十八年魏太武帝太平真君十二年盡乙巳宋明帝秦始元年魏文成帝和平六年			
卷二七			
凡十八年 起丙午宋明帝秦始二年魏獻文帝天安元年盡癸亥齊武帝永明元年魏孝文帝太和七年			
卷二八			
凡十三年 起甲子齊武帝永明二年魏孝文帝太和八年盡丙子齊明帝建武三年魏孝文帝太和二十年			

欽定四庫全書薈要

史部
御批通鑑綱目卷十二上

欽定四庫全書薈要卷七千三百二十一 史部

御批資治通鑑綱目卷十二上

起丁未漢桓帝永康元年
凡二十七年

康元年春正月東羌復反段熲擊破之○夫餘寇

玄菟質實夫餘國名注見桓帝延熹九年○夏四月羌

寇三輔質實三輔郡名注見漢○五月地裂

書法地裂非小變也自和帝永元七年一書於是

裂三詳秦
庚午年

欽定四庫全書
御批通鑑綱目
卷十二上

○是月晦日食○六月赦黨人歸田里禁錮終身

陳蕃既免朝臣震栗莫敢復為黨人言者賈彪曰吾
不西行大禍不解乃入雒陽說實武及尚書霍諝等
使訟之武上疏曰膺等建忠抗節志經王室此誠陸
下稷卨伊呂之佐而虛為姦臣賊子所誣枉天下寒
心海內失望惟陛下留神澄省時見理出以厥人鬼
鳴喁之心今臺閣近臣尚書朱寓荀綰劉祐魏朗劉
矩尹勲等皆國之貞士朝之良佐尚書張陵焉皓范
康楊喬邊韶戴恢等文質彬彬明達國典而陛下委
任近習專樹繁榮外與州郡內幹心膺宜以次貶黜
案罪糾罰信任忠良平決臧否使邪正毀譽各得其
所如此咎徵可消天應可待間者有嘉禾芝草黃龍
之見夫瑞生必於嘉土福至實由善人在德為瑞無
德為災陛下所行不合天意不宜稱慶書奏因以病
上還城門校尉槐里侯印綬霍諝亦為表請帝意稍

詳校官編修臣汪鏞

解使中常侍王甫就獄訊黨人甫詰曰卿等更相拔
舉迭為胥齒其意如何范滂曰滂欲使善善同其清
惡惡同其汙謂王政之所願聞不悟更以為黨身死
之日願埋滂於首陽山側上不負皇天下不愧夷齊
甫愍然為之改容乃得並解桎梏膺等又多引宦官
子弟宦官懼請帝以天時宜赦遂赦元黨人二百
餘人皆歸田里書名三府禁錮終身滂往候霍諝而
不謝或讓之滂曰昔叔向不見祁奚吾何謝焉滂歸
汝南南陽士大夫迎之者車數千兩鄉人殷陶黃穆
侍衛於旁應對賓客滂曰是重吾禍也遂遁還初詔
書下舉鉤黨郡國所奏多至百數唯平原相史弼獨
無所上詔書追切州郡覈管據史從事坐傳舍責曰
青州六郡其五有黨平原何治而得獨無弼曰先王
疆理天下畫界分境水土異齊風俗不同他郡自有
平原自無胡可相比若承望上司誣陷良善則平原
之人戶可為黨相有死而已所不能也從事大怒即

欽定四庫全書

御批通鑑綱目
卷十二上

二

舉奏河會黨禁中解所脫者甚眾竇武所薦楊焉容
儀偉麗數言政事帝愛其才貌欲妻以公主焉因辭
不聽遂不集覽援高伊呂援名棄姓姬氏高息列反
食而死相呂望周武王之相姜太公也從其封姓故曰呂尚
書郎張陵張陵以下六人皆尚書郎內幹幹讀曰管
主也平決臧否平音病平其不平曰平否音鄙臧否
善惡也平決其善與惡咎徵書洪範篇咎徵注咎徵
叙惡行之驗也君行狂妄則常雨僭差則常暘逆豫
則常暖急則常寒蒙闇則常風昔叔向不見祁奚吾
何謝焉叔向名肸姓羊舌氏弟羊舌肸皆春秋晉公
族也祁奚姓名晉大夫也左傳襄二十二年晉之執
政范宣子殺欒盈之黨叔虎與馬宣子并囚叔向祁
奚聞之見宣子曰鯀亟而禹興泰何以虎而棄社稷
宣子說以言諸平公而免之祁奚不見叔向而歸叔
向亦不告免焉而朝注言祁奚為國非私叔向也叔

向不告謝祁奚即往朝君明不為己也向音亨肸許
乙反歸汝南句絕漢汝南郡後周改蔡州今汝寧府
是也舉鉤黨舉初也鉤黨者相鉤引其黨與也從事
屬下句中都官從事也主察舉百官犯法者青州六
郡今益都府本漢北海郡禹貢青州也六郡謂濟南
平原樂安北海東萊齊國水士異齊言不同和也周
禮五齊者水火木金土五者不相入也齊才計及黨
禁中解後靈帝建寧二年復治鉤黨今故云黨禁中
也質實一統志云后稷堯臣為農師教民稼穡有功
封于邠乃周武王之祖高與契通為唐虞司
徒受封于商乃成湯之祖伊尹注見梁武帝太清三
年呂望汲人姓姜名子牙年八十餘避紂居北海之
濱聞西伯善養老乃之周文王出獵遇於渭水之陽
載歸立為師稱曰尚父佐武王伐紂以安天下投以
丹書之戒封於齊汝南郡名注見光武建武十九年
賈彪潁川定陵人劉祐中山安國人魏明帝上虞人劉

欽定四庫全書

御批通鑑綱目
卷十二上

三

矩沛國蕭人尹勲潁縣人張陵成都人楷之子邊詒
陳留浚儀人魏里縣名注見元帝永光元年霍諝鄴
縣人首陽山注見武帝元封四年史弼陳留考城人
青州禹貢九州之一周禮正東曰青州蓋以土居少
陽其色青故以名州武王封太公望於此為齊國泰
置齊郡漢分置北海郡屬青州東漢為齊北海樂安
三國地以青州治臨淄魏為益都郡晉為齊樂安二
國地安帝時廣陵僑立南青州故於青州加北字劉
宋省南青州乃去北字仍曰青州後魏治東陽又改
益都郡後周改為齊郡隋復為青州尋改北海郡唐
初為青州後改北海郡乾元初復為青州又陞平盧
軍節度宋改鎮海軍金為益都府元改益都路國朝
改青州府隸山東道叔向注見靈帝熹
平四年祁奚注見唐中宗嗣聖十五年

秋八月巴郡言黃龍見質實

巴郡注見獻帝
建安十九年

初郡人欲就池浴見池水濁因戲相恐此中有黃龍語遂行太守欲上之郡吏傳堅諫曰此走卒戲語耳聽不

書法 建和初元書黃龍見黜矣此書曰言黃龍見何疑辭也若曰其言如此云耳是故先武郡

國甘露降則書言中元元年桓帝已即黃龍見則書言是年齊青州河水清則書言陳士午年終綱目書龍見十有三詳惠帝二年惟平帝書越萬郡上此書已郡言皆疑之之辭也

大水海溢 ○冬十月羌寇三輔張奐遣司馬董卓擊破

之

真論功當封以不事宦官故不果拜董卓為郎中卓隴西人性粗猛有謀羌胡畏之質實酒泉

欽定四庫全書

御批通鑑綱目

四

人

書法 書張奐遣何歸功奐也乃以不事宦官黜其功而賞董卓其私甚矣此綱目特書張奐遣

病漢也是故董卓之破羌寇也書張奐遣田神功之破史朝義也書李光弼使皆歸功遣之者也唐

肅宗寶應元年

十二月帝崩尊皇后曰皇太后太后臨朝

初寶后既立御見甚稀唯采女田聖等有寵后素忌忍帝梓宮尚在前殿遂殺田聖

書法 賀善贊曰桓帝即位二十二年自延熹二年以前所書多為梁冀書第免太尉國冀專也

論定策功冀代也立皇后冀仇也策免太尉喬冀也貶清河段季杜冀誣也改清河冀私也封冀

城居冀廢也張陵初奏冀犯也殊禮增封冀恭也徽陳龜還冀惡之也二年以後所書多為宦閹書封五侯宦官與謀也單超將軍宦官寵過也楊秉論作宦官貪縱也辛單超贈送過制也獻皇帝親宦官仇陷也免西親宦官所惡也辛朱穆憤疾宦官也庸等輪作初奏宦官也殺成瑨捕賈等宦官所疾也其餘自書災變邊事外非報私恩則事遊畋急征斂凡三立后兩不食死雖當三思震食舉賢一徵處士往往皆具文共壞諸注祀若有見者然再祀老子則亦偶然而已此桓之所以為桓也

遣使迎解濟亭侯宏詣京師考異 京師三字

竇武名侍御史河間劉儵問以國中宗室之賢者儵稱孝王曾孫宏武白太后定策禁中以儵守光祿大夫特節奉迎集覽解濟亭地理志解濟在安平國饒宏時年十二集覽陽縣饒陽今隸晉州劉儵河間

欽定四庫全書

御批通鑑綱目

五

人傑

孝靈皇帝建寧元年考異 按歲年例曰正統大書君名注云後有即位在今年

丙者用之則此年歲首當書春正月以竇武為大將軍曰孝靈皇帝宏建寧元年

陳蕃為太傅與司徒胡廣參錄尚書事考異 以下漏太

時新遭大喪國嗣未立諸尚書畏懼多託病不朝陳蕃移書責之曰古人立節事亡如存今帝祚未立諸君奈何委茶蓼之苦息偃在集覽奈何委茶蓼之苦

林予諸尚書惶怖皆起視事集覽詩良耜篇以耨茶夢注耨呼毛反拔田草也茶陸草蓼水草也箋云蓼

去茶蓼之事言其勤苦也今陳蕃以喻國有大事奈何委棄此勞苦而託病不朝

解濟亭侯宏至入即位○二月葬宣陵實實一統志云宣陵在河南

南府城○段熲擊東羌於高平大破之以熲為破羌將

軍

初熲既定西羌而東羌先零等種猶未服皇甫規張
真招之連年既降又叛桓帝詔以問熲熲上言曰東
羌降於皇甫規者已二萬落餘羌無幾今張與諸
久不進者當慮外離內合兵往必驚且羌虜人畜
羸有自亡之勢欲更招降坐制疆敵耳臣以為狼子
野心難以恩納勢窮雖服兵去復動計所餘三萬餘
落近居塞內路無險折而久亂并涼累侵三輔西河
上郡已各內徙安定北地復至單危自雲中五原西
至漢陽二千餘里匈奴諸羌並擅其地是為難征伏
疾留滯脇下如不加誅轉就滋大若以騎五千步萬

欽定四庫全書

御批通鑒綱目
卷十二上

六

人車三千兩三冬二夏足以破定無慮用費為錢五
十四億如此則可令羣羌破盡匈奴長服內徙郡縣
得反本土伏計永初中諸羌反叛十有四年用二百
四十億永和之末復經七年用八十餘億費耗若此
猶不誅盡今不暫疲民則永寧無期臣庶竭焉方伏
待節度帝許之類於是將兵萬餘人齎十五日糧從
彭陽直指高平與先零諸種戰虜兵威家皆恐熲乃
令軍中長鐵利刀長矛三重挾以彊弩列輕騎為左
右翼謂將士曰今去家數千里進則事成走必盡死
努力共功名因大呼衆皆應聲騰赴馳騎於旁突而
擊之虜衆大潰斬首八千餘級太后賜詔褒美賜錢
二十萬以家一人為郎中執中藏府增助軍費拜熲
破羌集覽 伏疾猶疾之隱伏在身無慮注見宋文帝
將軍集覽 元嘉六年彭陽徐廣曰彭陽在安定郡括
地志云故城在涇州臨城縣東二十里中藏府藏
去聲漢官儀曰中藏府令掌中幣帛金銀諸物

實 狼子野心左傳昭二十八年晉叔向欲娶申公巫
臣氏生伯石始生姑視之及堂聞其聲而還曰是
豺狼之聲也狼子野心非是莫喪羊舌氏矣遂不視

一統志云彭陽漢之縣名屬安定郡後魏屬原州隋
廢之唐復置豐義縣宋復曰彭陽元廢之故城在平
涼府鎮原縣東八十里高平縣名注見光武建武六

年

閏月追尊皇祖為孝元皇夫人為孝元后考為孝仁皇

尊母董氏為慎園貴人考異 祖上皇字義按靈帝乃清

帝位不當 ○夏五月朔日食 ○六月大水 ○錄定策功

封竇武為聞喜侯實實 聞喜縣名注見晉孝
武帝太元十一年

欽定四庫全書

御批通鑒綱目
卷十二上

七

涿郡盧植說武曰足下建立聖主四海有繫論者以
為吾子之功於斯為重夫同宗相後披圖索牒以次
建之何勲之有宜辭大賞以全身名武不能用植身
長八尺二寸音聲如鐘性剛毅有大節少事馬融融
性豪侈多列女倡歌舞於前植侍 集覽 同宗相後言
講積年未嘗博盼融以是敬之 宗當立為後披圖披謂閱視也圖
謂宗譜涿郡注見帝立更始二年

書法 定策功何識私也自梁冀始矣竇武忠賢也
則曷為書之如梁冀武不能辭則亦不足貴

矣靈帝不足病也故下書封陳蕃
不受而殊之善蕃所以愧武也

發明 竇武在東都為戚屬之賢然終亦不免何耶
于時漢統屢絕率以旁支入繼武適逢其機

迺以此受封不亦惜哉然使其聽植之言推而弗
居猶或庶幾而武則不能用也書錄定策功固非

美之正所以
為武惜耳

封陳蕃為高陽鄉侯不受質實高陽鄉未詳處所疑即高陽里注見秦二世三年

太后以蕃舊德特
封之蕃固讓不受

段熲追擊東羌連戰破之

段熲將輕兵追羌出橋門晨夜兼行與戰連破之入戰於靈武谷羌遂大敗餘寇四千落悉散入漢陽山谷間張奐上言東羌雖破餘種難盡宜以恩降可無後悔詔書下熲頓復上言臣本知東羌雖衆而輒弱易制所以比陳愚慮思為永寧之算而張奐說虜難破宜用招降聖朝明監信納誓言奐遂猜恨言羌

欽定四庫全書

御批通鑑綱目

八

一氣所生不可誅盡血流汙野傷和致災臣伏念先零雖種累以及覆攻剽發家禍及生无上天震怒假手行誅動兵涉夏連獲甘澍歲時豐稔人無疵疫上占天心不為災傷下察人事衆和師克昔先零作寇趙充國徒令居內煎當亂邊馬援邊之三輔始服終叛至今為鯁今傍郡戶口單少數為羌所創盡而欲令降徙與之雜居是猶種枳棘於良田養虺蛇於室內也故臣奉大漢之威建長久之策欲絕其本根不使能殖本規三歲之費用五十四億今通期年所耗未半而餘寇殘盡將向殄滅臣每奉詔書軍不內御願卒斯言一以任臣集覽比陳愚慮句絕比音毗至臨時量宜不失權便反類數也陳愚慮猶言訴愚東也誓言注見順帝陽嘉二年羌一氣所生謂東羌亦是稟天地陰陽之氣而生者漢和帝時魯恭王上疏曰外蕃同稟天地之氣也莊子大宗師篇孔子曰彼方且與造化者為人而遊乎天地之一氣至今

為鯁鯁本作梗詩桑柔篇誰生厲階至今為梗箋云厲怨梗病也他蛇楚辭天問篇雄虺九首靈蛇吞象註他亦蛇屬爾雅云虺博三寸首大如擘山海經云南海有大蛇長百尋其色青黃赤黑食象三歲而出其骨註云南方蚺蛇亦吞虎消盡乃自絞於樹腹中骨皆穿鱗甲間出文公辯駁曰或云今嶺南有異蛇能一日行數百里以逐人者但不見說有九首耳食虎出骨事似若迂誕然于嘗聞山中人說大蛇能吞人家所伏雞卵而登木自絞以出其殼者軍不內御御制也言軍使出也淮南子曰國不可從外理軍不可從中御正誤軍不內御今按此言軍中事專質實即名注見建寧二年靈武地名注見唐玄宗天寶十五載

秋九月太傅陳蕃大將軍竇武奏誅宦者曹節等節等

欽定四庫全書

御批通鑑綱目

九

殺之遂遷太后於南宮

初竇太后之立也陳蕃有力焉及臨朝政無大小皆委於蕃蕃與竇武同心戮力以冀王室徵天下名賢李膺杜密尹勲劉瑜等皆列於朝廷與共參政事於是天下之士莫不延頸想望太平而帝乳母趙婕妤及諸女尚書旦夕在太后側中常侍曹節王甫等共相朋結諂事太后太后信之數出詔命有所封拜蕃武疾之嘗共會朝堂蕃私謂武曰曹節王甫操弄國柄濁亂海內今不誅之後必難圖武深然之蕃大喜以手推席而起武乃引尚書令尹勲共定計策會有日食之變蕃謂武曰昔蕭望之困一石顯況今石顯數十輩乎蕃以八十之年欲為將軍除害今可因此斥罷宦官以塞天變武乃白太后曰故事黃門常侍但當給事省內門戶主近署財物耳今乃使與政事任重權子弟布列專為貪暴天下匈匈正以此故宜悉

誅廢以清朝廷太后曰故事世有宦官但當誅其有罪者豈可盡廢耶時中常侍管霸頗有才畧專制省內武先白收霸及蘇康等皆坐死武復數白誅節等太后无豫未忍藩上疏言侯覽曹節公乘斬王甫鄭璜等與趙夫人諸尚書並亂天下今不急誅必生變亂願出臣章宣示左右并令天下諸姦知臣疾之太后不納八月太白犯房之上將入太微劉瑜惡之上書皇太后曰案占書宮門當閉將相不利姦人在主旁願急防之入與武著書勸以速斷大計於是武著奏免黃門令魏彪以所親小黃門山水代之收長樂尚書鄭璜送北寺獄著曰此曹子便當收殺何復考為武令水與尹勲難考解連曹節王甫勲水即奏收節等使劉瑜內奏九月武出宿歸府典中書者先以告長樂五官史朱瑀瑀盜發武奏罵曰放縱者自可誅耳我曹何罪而當盡見放城因大呼曰陳蕃竇武

欽定四庫全書

御批通鑑綱目

卷十二上

十

奏白太后廢帝為大逆乃夜召所親共普等十七人執血共盟曹節請帝出御前殿拔劍躍趙境等擁衛左右閉諸禁門名尚書官屬執以白刃使作詔版拜王甫為黃門令持節至北寺獄收勲水殺之出颶還兵劫太后奪璜綬使颶等持節收武等武馳入步兵營召會北軍五校士數千人屯都亭下令軍士曰黃門常侍及盡力者封侯重賞陳蕃聞難將官屬諸生八十餘人並拔刃突入承明門懷臂呼曰大將軍忠以衛國黃門反逆何云竇氏不道耶王甫使劍士收蕃蕃拔劍叱甫辭色愈厲遂被執送北寺獄即日殺之時張奐徵還節等以奐新至不知本謀矯制使奐率五營士討武甫將千餘人出與奐合使其士大呼武軍曰竇武反汝皆禁兵當宿衛官省何致隨反者乎營府素畏服中官於是武軍稍歸甫自旦至食時兵降略盡武自殺其族遷皇太后於南宮徙武誅之及劉瑜馮述皆夷其族遷皇太后於南宮徙武

家屬於日南門生故吏皆免官禁錮議郎巴肅始同謀節等不知但坐禁錮後乃知而收之肅自載詣縣縣令解印綬欲與俱去肅曰為人臣者有謀不敢隱有罪不逃刑遂被誅曹節還長樂衛尉與王甫等六人皆封列侯蕃友朱震收華蕃屍匿其子逸事覺繫獄震受考掠誓死不言遂由是得免武掾胡騰殯歿武屍行喪亦坐禁錮武孫輔年二歲詐以為己子與今史張敞共匿之亦得免張與遷大司農封侯弄神病為節等所賣因辭不受楊氏曰曹節王甫竊弄神器固天下所同疾實武以至親操重柄招延耆德相與協謀勦除姦凶其勢易矣然而身敗功頹貽國後患者幾事不密而禍成於无豫也張與北州人豪素非中人之黨武不能乘機決策收為已用而乃集覽遲回達旦使逆賊得以欺與而使之豈不惜哉蕭望之困一石顯元帝時宦官石顯誣譖望之望之欲賜自殺尤豫注見光武建武六年公乘所公乘本

欽定四庫全書

御批通鑑綱目

卷十二上

十一

秦官名言得乘公家之車也其後因為氏馬所名也長樂尚書官名也職主皇太后宮案長樂皇太后宮名內奏內讀曰納五官史漢官儀有詹事五官百官志五官中郎將一人比二千石主五官郎也史掾屬也共普姓名共音龔詔版木簡為之其長尺一後書楊賜傳割用版之恩注版詔書也唐高宗時詔并州婦人年八十以上皆版授郡君史始曰謂不加告命以版策授之五校即五營也百官志屯騎越騎步兵長水射聲五校尉皆掌宿衛兵案首泉本作世古堯反倒懸首也日南郡名注見武帝元鼎六年與深病病慮也患也人豪人中之豪俠遲回實實李膺潁川密潁川陽城人劉瑜廣陵人雒陽縣名注見光武建武四年巴肅渤海高城人胡騰未陽人

書法

書奏誅何非專也與書謀誅者異矣唐文宗太和九年書曹節等何非濫也與縣書誅宦

官者異矣同上節等殺之易辭也前書以實武陳
蕃為某官矣此則易為復書官惜之也若曰以太
傅大將軍之重奏誅宦者其勢順其名正而殺之
之易如此以見節等之強而陳實為不密矣綱目
所深惜也綱目書誅宦官四是年中平六年唐文
宗太和九年昭宗天復三年而不克者二是年唐
文宗太和九年

發明以利害言之蓄武幾事不密遂至禍延家國
則書秦誅其子之意初不計事之成敗而惟顧
理之是非誠以蓄武之志在於為國而當時關官
不去漢治終無可為之理不幸二人忠有餘而謀
不足一跌不收漢亦以亡此固天之所廢有非人
力所能為者書法若此是亦正誼不謀利明道不
計功之意耳雖然書太傅則見上公之尊書大將

欽定四庫全書

御批通鑑綱目

卷十二上

軍則見本兵之重以將相大臣合謀協力而不能
去刀鋸之賊非徒無益貽患愈深人主觀此盡亦
謹其微哉

冬十月晦日食○十二月鮮卑滅貊寇幽并質實
鮮卑東著

名注見梁武帝大同十年突厥幽并二州名幽州
注見唐高祖武德四年并州注見晉愍帝建興四年

烏桓稱王

烏桓大人上谷難樓有衆九千餘落遼西丘力居有
衆五千餘落自稱王遼東蘇僕延有衆千餘落自稱
峭王右北平烏延有衆集覽難樓烏桓大人也姓難
八百餘落自稱汗魯王集覽難樓在上谷郡丘力居
烏桓大人也姓丘質實烏桓北胡種名注見光武建
名力居在遼西質實武二十五年上谷郡名注見

秦王政三年遼西郡名注見光武建武二十五年遼
東郡名注見秦王政三年右北平郡名注同上

己酉二年春正月尊慎園貴人董氏為孝仁皇后以其兄

子重為五官中郎將質實五官中郎將官名注
見桓帝延熹二年

書法兄子何
譏私也

發明前此尊之為貴人今此尊之為皇后夫貴人
乃母天下之號亦不可以子而職其母也皇后
羣小恣橫無以取悅其君故為非禮之禮以媚之
耳直書于冊其失自見

○夏四月青蛇見御座上大風雷雨雷電詔公卿言事

欽定四庫全書

御批通鑑綱目

卷十二上

張與上疏曰昔周公葬不如禮天乃動威今武著忠
貞未被明宥妖書之來皆為此也宜急為改葬徙還
家屬其從坐禁錮一切蠲除又皇太后雖居南宮而
忌禮不接宜思大義顧復之報上深嘉其言而為官
者所制不得從也與又與尚書劉伍等共薦王暢李
膺可參三公之選節等疾其言遂下詔切責之皆自
因廷尉數日得出以律贖罪即中謝阿上封事曰皇
太后幽隔空宮如有霧露之疾陛下當何面目以見
天下孝和皇帝不絕竇氏之思前世以為美談禮為
人後者為之子今以桓帝為父豈得不以太后為母
哉台宰重器國命所繫今之四公唯劉寵斷斷守善
餘皆素餐致寇之人必有折足覆餗之凶可因災異
並皆罷黜徵王暢李膺並居政事庶災變可消國祚
惟永左右惡之以他罪收弼掠死於獄光祿勳楊賜
曰王者心有所想雖未形顏色而五星以之推移陰
陽為其變度夫皇極不建則有龍蛇之孽詩云惟虺

興二年齊茂辰年親主
玄唐太宗貞觀十三年

六月以劉蕡為司空

蕡素附諸常侍
故致仕公輔 集覽 蕡牛刀反

秋七月段熲大破東羌平之封熲為新豐侯

詔遣謁者馮禪說降漢陽散羌段熲以羌雖暫降必復為盜不如乘虛放兵勢必殄滅於是遣營去羌所屯四五十里遣田晏夏育將五千人先進擊破之羌眾奔射虎谷分兵守谷上下門熲規一舉滅之不欲復令散走遣千人於西縣結木為柵廣二十步長四十里遮之分遣晏育等將七千人銜枚夜上西山結營穿塹去虜一里許又遣張愷將三千人上東山虜乃覺之熲因與愷等挾東西山縱兵奮擊追至谷

欽定四庫全書 御批通鑒綱目 卷十二上 十五

上下門窮山深谷之中處處破之斬其渠帥以下萬九千級馮禪等所招降四千人分置安定漢陽隴西三郡於是東羌悉平熲凡百八十戰斬三萬八千餘級獲雜畜四十二萬四千餘頭費用四十四億軍士死者四百餘人更封新豐縣侯邑萬戶司馬公曰邊外部落氣類雖殊其就利避害樂生惡死亦與人同耳熲之得其道則附順服從失其道則離叛侵擾固其宜也是以先王之政叛則討之服則懷之處之四裔不使亂禮義之邦而已若不分滅否不辨去來悉艾殺之豈作民父母之意哉且夫羌之所以叛者為郡縣所侵寬故也叛而不即誅者將帥非其人故也苟使良將驅而出之塞外擇良吏而牧之則疆場之臣也豈得專以多殺為快邪夫御之不得其道雖華夏之民亦將譁起而為寇入可盡誅耶然則段紀明之為將雖克捷有 集覽 城在秦州上邦縣西南九十功君子所不與也

惟她女子之祥惟陛下思乾剛之道別內外之宜抑皇甫之權割艷妻之愛則她變可消頽祥立應賜秉之子 集覽 顧我復之報詩蓼莪篇父兮生我母兮鞠我

曰顧旋視也復反覆也罔極無窮極也父母之恩大如天無窮不知所以為報也露露之疾言幽隔於空宮如露露之遮蔽不親天日之光明今之四公後者百官志太尉公掌兵事司徒公掌人民事司空公掌水土事其後每帝初即位輒置太傅為上公錄尚書事堯顓臾之折足履鍊易鼎卦曰鼎折足履公鍊益鼎有三足以喻三公也三公不得其人猶鼎之折足必傾覆其鍊也鍊音速鼎實也八珍之具皇極不建書洪範皇建其有極羣書考索曰孔安國訓皇極為大中之道非也蔡氏集傳云皇君建立也極猶北極之極至極之義標準之名中立而四方之所取正焉者也人君於一事一物之接一言一動之發無不極

欽定四庫全書 御批通鑒綱目 卷十二上 十四

其義理之當然而無一毫過不及之差則極建矣龍蛇之孽龍蛇陰類也孽本作蠱孽也說文衣服歌謠之怪謂之孽禽獸蟲蝗之怪謂之蠱前書五行志曰蟲豸之類謂之孽維他維地女子之祥詩斯干篇注也她穴處陰之祥也故為生女抑皇甫之權皇甫字也失其姓名周幽王后褒姒寵之故位卑而權重言如皇甫者名抑損其權勢割艷妻之愛艷妻周幽王后褒姒也幽王嬖之言如艷妻者當割絕其恩愛 正誤 皇甫艷妻今按此見詩小雅十月之交云皇甫卿士又云艷妻嬖方處未于傳皇甫位卑而權重艷妻即褒姒也言小人用事也 質實 王暢山陽高平而嬖妾盡惑王心以為之主也 人謝弼東郡武陽人楊賜

書法 蛇見御座大異也終綱目一見而已書詔言事始此終綱目言詔言事四 是年晉元帝大

欽定四庫全書

御批通鑑綱目卷十二上

十六

里漢西縣也今興元府西縣是封禪書秦襄公既侯居西垂即此漢陽周以前為西戎地漢武置天水郡治平襄東漢改天水為漢陽郡治冀疆場邊境也左傳疆場之事注場音亦穀梁傳應元年聘了鐵矢不出竟場疏云謂之竟場者竟足疆質實一統志云漢界之名至此易主故謂之疆場也陽本漢之郡名治冀縣三國魏置秦州晉改漢陽為天水郡治上邽尋廢復置秦州宋齊復為天水郡隋廢郡為秦州大業初復為天水郡唐復為秦州天寶初改天水郡乾元初復為秦州後移治成紀宋開禧初為天水軍治天水縣金為鎮遠軍治成紀元復為秦州以成紀縣省入本朝因之改屬鞏昌府西縣漢初所置屬天水郡晉廢之故城在鞏昌府上邽縣西南九十里街牧注見秦二世二年西山在鞏昌府城西南九十里廣漢水所出東山在鞏昌府城東一十五里赤亭水所出新豐縣注見成帝鴻嘉元年

九月江夏蠻反州郡討平之考異

此亦誤書討與元質

實江夏郡名注見唐

○丹陽山越反郡兵擊破之質實

丹陽郡名注見明

○冬十月復治鈞黨殺前司隸校尉

李膺等百餘人

初李膺等雖廢錮天下士大夫皆高尚其道而汙穢朝廷更相標榜為之稱號以竇武陳蕃劉淑為三君君者言一世之所宗也李膺荀昱杜密王暢劉祐魏朗趙典朱寓為八俊俊者言人之英也郭泰范滂尹勲巴肅宗慈夏馥蔡衍羊陟為八顧顧者言能以德行引人者也張儉翟超岑暉范康劉表陳翔孔昱檀敷為八及及者言其能導人追宗者也度尚張邈王孝劉儒胡母班秦周著嚮王章為八厨厨者言能以

欽定四庫全書

御批通鑑綱目卷十二上

十七

財救人者也及陳實用事復舉拔膺等陳實誅膺等復廢宦官疾惡膺等每下詔書輒申黨人之禁侯覽怨張儉尤甚覽鄉人朱並上書告儉與同鄉二十四人別相署號共為部黨圖危社稷詔刊章捕儉等十月曹節詔有司奏諸鈞黨者虞放李膺杜密朱寓荀昱翟超劉儒范滂等請下州郡考治是時上年十四問節等曰黨人何用為惡而欲誅之邪對曰相舉羣輩欲為不軌上曰不軌欲如何對曰欲圖社稷上乃可其奏或謂李膺曰可去矣對曰事不辭難罪不逃刑臣之節也吾年已六十死生有命去將安之乃詣詔獄考死門生故吏並被禁錮侍御史景毅子願為膺門徒未有錄牒不及於讞毅慨然曰本謂膺賢遣子師之豈可以漏脫名籍苟安而已遂自求免歸汝南督郵吳導受詔捕范滂至征羌抱詔書閉傳舍伏牀而泣一縣不知所為滂聞之曰必為我也即自詣獄縣令郭揖大驚出解印綬引與俱亡曰天下大矣子何為在此滂曰滂死則禍塞何敢以罪累君又令老母流離乎其母就與之訣曰汝今得與李杜齊名死亦何恨滂跪受教再拜而辭凡黨人死者百餘人妻子皆徙邊天下豪傑及儒學有行義者宦官一切指為黨人有怨隙者因相陷害睚眦之怨盡入黨中或有未嘗交關亦罹禍毒其死徙廢禁者入六七百人郭泰聞之私為之慟曰詩云人之云亡邦國殄瘁漢室滅矣但未知曠焉爰止于誰之屋耳泰雖好臧否而不為危言數論故能處濁世而怨禍不及焉永儉亡命困迫望門投止莫不重其名行破家相容後流轉東萊止李篤家外黃令毛欽操兵到門篤引欽就席曰張儉負罪豈得藏之告審在此此人名士明廷寧宜執之乎欽因起撫篤曰蓬伯玉耻獨為君子足下如何專取仁義篤曰今欲分之明廷載半去矣欽歎息而去篤導儉出塞其所經歷伏重誅者以十數連引收考徧天下儉與魯國孔褒有舊亡狀褒不

遇喪弟融年十六匿之事泄儉亡走國相收喪融送
微未知所坐融曰保納舍藏者融也喪曰彼來求我
非弟之過吏問其母母曰家事任長妾當其辜一門
爭死郡縣疑不能決乃上讞之詔獨坐喪及黨禁解
儉乃還鄉里夏饑聞儉亡命歎曰孽自己作空汙良
善一人逃死禍及萬家何以生為乃自剪須髮形入
林慮山中隱姓名為治家傭親突煙炭形貌毀瘁積
二三年人無知者饒弟靜戴嫌帛追餉之饒不受曰
弟奈何戴禍相餉乎初中常侍張讓父死歸葬潁川
雖一郡畢至而名士無往者讓耻之陳寔獨弔焉及
誅黨人讓以寔故多所全宥初太尉袁安子敞為司
空豫湯復為太尉湯三子成逢隗成生紹逢生術至
是逢為司空隗亦顯官中常侍未幾以逢隗相家與
之同姓惟崇以為外援故表氏貴寵於世富奢甚不
與他公族同紹壯健有威容愛士養名賓客輻輳術
亦以俠氣聞逢從兄子閔少有操行以耕學為業逢

御批通鑒綱目
卷十二上

十八

欽定四庫全書
隗數饋之無所受閔見時方險亂而家門富盛常對
兄弟歎曰吾先公福祚後世不能以德守之而競為
驕奢與亂世爭權此即晉之三卻矣及黨事起閔欲
投迹深林以母老不忍去乃築土室四周於庭不為
戶自牖納飲食母思閔時往就視母去便自掩閉兄
弟妻子莫得見也潛身十八年卒於土室初范滂等
非許朝政自公卿以下皆折節下之太學生爭慕其
風中屠屠獨歎曰昔戰國之世處士橫議列國之主
至於擁篲先驅卒有坑儒燒書之禍今之謂矣乃絕
迹於梁陽之間因樹為屋自同傭人居二年滂等果
罹黨錮之禍司馬公曰天下有道君子揚于王庭以
正小人之罪而莫敢不服天下無道君子囊括不言
以避小人之禍而猶或不免黨人生昏亂之世不在
其位四海橫流而欲以口舌救之以至身被淫刑禍
及朋友士類殲滅而國隨以亡不亦悲乎夫惟郭泰
既明且哲以保其身申屠蟠見幾而作不俟終日卓

乎其不集覽
可及已集覽
謂所宗仰也胡母注見晉惠帝元康七年舊姓名
章懷曰蕃音皮八厨黨錮傳注厨音皮刊章印行之
文如今板榜征羌正義曰縣屬汝南睢陽注見周報
王五十六年人之云亡邦國殄瘁聲子曰無善人則國從
瘁病也左傳襄二十六年蔡聲子曰無善人則國從
之詩曰人之云亡邦國殄瘁無善人之謂也瞻烏爰
止于誰之屋詩正月篇注富人之屋烏所集也文公
集傳曰言不幸而遭國之將亡將被囚執未知復從
何人而受祿如視烏之飛不知其將止於誰之屋也
望門投止窘迫之中見門即投歸而止宿求隱匿也
破家相容寧破壞其家業而容隱張儉明廷寧宜執
之明廷猶稱明府也寧宜執之猶言豈肯執捕之今
欲分之李篤謂毛欽若欲分取此仁義之美名載半
去矣言不執儉得通仁義之半去家事任長任從家

御批通鑒綱目
卷十二上

十九

欽定四庫全書
之長上獄之上奏也獄正獄議罪也漢書音魚列反
林慮河內邑林本作隆漢避瑒帝諱故改曰林慮
曰隆音林慮音閭袁術本傳無明音或曰術音遂案
月令審端經術注術周禮作遂遂上有徑故術術字
公路愚謂此說未允案前書禮樂志心術注顏師古
曰術道徑也心之所由也又韻會舉要入聲內注說
大術邑中道也以是知袁術當在入聲以俠氣聞俠
氣之名見聞於人晉之三卻卻術卻卻至皆春秋
晉卿也厲公嬖人胥童曰卻氏族大若除去大族則
不偏害公室後胥童與夷羊五攻殺三卻暴其尸於
朝梁陽陽徒浪及蘇林曰又音唐梁國之邑秦置陽
郡漢改梁國隋置宋州今歸德府是括地志云宋州
陽山縣在州東北百五十里本漢陽陽縣即今濟州
陽山縣也山在縣東囊括不言注見桓帝元嘉元年
括正誤
劉表亦有此語未詳所出蓋世人相傳之

辭質實劉淑河間樂城人荀昱潁川潁陰人淑之從兄子趙典成都人郭泰太原介休人范滂汝

南細陽人宗慈南陽安衆人夏馥陳留圉人蔡衍汝南項人羊陟泰山梁父人張儉山陽高平人李膺南陽棘陽人劉表山陽高平人魯恭王之後陳翔名陵人檀敷瑕丘人度嵩山陽湖陵人劉儒陳郡陽平人

景毅蜀郡人東萊郡名注見成帝永始元年一統志云外黃漢之縣名屬陳留郡三國魏廢之故城在開封府杞縣東北左傳惠公收宋師于外黃即此蓋伯玉孤獨為君子遠伯玉衛人靈公時仕為大夫行年五十而知四十九年之非六十而化孔子至衛主於其家稱之曰君子哉遠伯玉邦有道則仕邦無道則卷而懷之後世追封內黃侯從祀孔子廟庭魯國注見周太祖廣順二年曲阜縣隆慮漢之縣名屬河內

郡後漢改為林慮縣三國魏屬朝歌郡晉屬汲郡後魏省入鄴縣尋復置兼置林慮郡北齊郡廢後周復

欽定四庫全書御批通鑑綱目卷十二上

置郡隋罷郡置巖州縣仍舊大業初州罷唐初復置巖州尋罷州以縣隸相州宋因之金陞為林州元因之國朝降為縣改屬彰德府謹按此隆慮分明是山名集覽以為河內邑可謂誤矣愚不敢違之故述此

縣沿革於此智者察之隆慮山已注見帝立更始二年申屠蟠陳留外黃人梁國名注見景帝三年賜郎名秦末所置治碭縣東漢降為碭山縣後魏改為安陽縣隋復為碭山縣屬梁郡唐屬宋州宋因之金屬歸德府後廢元復置碭山縣屬

濟寧路國朝因之改屬徐州

書法唐已廢矣書前司隸校尉何廢不以罪也殺之甚矣然則諸君子無譏歟前書部黨繼書

黨人此書鉤黨綱目固不能不假此以垂戒矣

發明唐已廢錮而猶書前司隸者廢不以罪故也廢猶不予況殺之乎彼小人欲空人之國非

誣以朋黨則不足以盡賢人之類漢室至是固已亡矣然范滂張儉等不得列書于冊者此又綱目有不滿諸賢之意耳學者要當深考而默察之則得其旨矣

是月晦日食考異一本漏是○鮮卑寇并州

庚三年春三月晦日食○徵段熲為侍中

熲在邊十餘年未嘗一日薳寢與將士同甘苦故皆樂為死戰所嚮有功

辛四年春正月帝冠赦考異提要赦字下大書

書法人不悉書自元帝以來矣書永康赦以赦黨人也書今年赦以唯黨人不赦也書中平赦

又以赦黨人也黨錮類末綱目謹書之觀其所書諸君子之不可深罪益明矣

發明者例皆不書而此特書之者著其獨不赦黨人故也嗚呼黨人皆賢人君子非有大惡於國而惡之若此漢氏雖欲不亡得乎

二月地震海溢○三月朔日食大疫○秋七月立貴人

宋氏為皇后○冬十月朔帝朝太后於南宮

帝以竇太后有援立之功率羣臣朝南宮親饋上壽黃門令董萌因此數為太后訴寃帝深納之供養資奉有加於前曹節王甫疾之

誣萌以謗詆永樂宮下獄死

書法朝太后不書此何以書遷后也綱目予存義故特書之是故順帝朝太后書靈帝朝太后

書皆遷后也不
久皆以喪書矣

鮮卑寇并州

士熹平元年春正月帝謁原陵實建武中元二年

司徒掾蔡邕曰吾聞古不墓祭朝廷有上陵之禮始謂可損今見威儀察其本意乃知孝明皇帝至孝惻隱不易奪也禮有煩而不可省者此之謂也胡氏曰墓藏體魄而致生之是不智也廟以宅神而致死之是不仁也故聖人制禮專於廟享而不祭於墓其於理義精矣明帝之舉蔡邕之議豈其不考於此而失之集覽墓藏體魄而致生之是不智也廟以宅神與蔡邕陳留國人

欽定四庫全書

御批通鑑綱目
卷十二上

三

三月太傅胡廣卒

廣周流四公三十餘年歷事六帝禮任極優所辟多天下名士練達故事明解朝章京師訪曰萬事不理問伯始天下中庸有胡公然溫柔謹愷常遜言恭色以取媚於時無忠直之風天下以此薄之集覽四公本傳曰凡一履司空再作司徒三登太尉又為太傅明解胡買反晚也伯始胡廣字

夏官者侯覽有罪自殺

覽為長樂太僕坐專權驕奢策收印綬自殺

六月大水○皇太后竇氏崩秋七月葬桓思皇后

竇太后母卒於比景太后憂思感疾崩於雲臺宦者積怨竇氏以衣車載其尸置城南市舍數日曹節王

御批通鑑綱目 七四二

甫欲用貴人禮殯帝不可於是發喪成禮節等欲別葬太后而以馮貴人配祔詔公卿大會朝堂令中常侍趙忠監議太尉李咸時病扶輿而起椅椒自隨謂妻子曰若皇太后不得配食桓帝吾不生還矣既議坐者瞻望中官莫肯先言廷尉陳球曰皇太后以盛德良家母臨天下遭時不造援立聖明因遇大猷遷居空宮家雖獲罪事非太后今若別葬誠失天下之望且馮貴人無功於國何宜上配至尊李咸曰臣本謂宜爾誠與意合於是公卿以下皆從球議節甫猶爭之咸復上疏曰章德虐害恭懷安思家紀惡逆而和帝無異葬之議順朝無貶降之文今長樂尊號在身親嘗稱制援立聖明光隆皇祚太后以陛下為子陛下豈得不以太后為母子無貶降之文今長樂尊號無貶君宜合葬宣陵一如舊制帝從之集覽比景建元建於比景比景注見安帝延光四年成禮具禮也言不降其葬禮配祔雜記曰男子祔於王父則配女子

欽定四庫全書

御批通鑑綱目
卷十二上

五

附於王母則不配注配謂并祭王母不配則不祭王父也附讀為祔祔於先死者也文公家禮曰高氏云若祔妣則設祖妣及妣之位更不設祖考位若父在而祔妣則不可遞遷祖妣宜別立室藏其主待考同祔若考妣同祔則並設祖考及祖考妣之位胡泳曰高氏別室藏主之說恐未然先生內子之喪主只祔在祖妣之旁此當為據也持椒自隨李咸持椒為末以自隨者欲以椒塞口而死也本草云椒味辛有毒不造詩閔子小子遭家不造箋云造成也不造言家道未成也家雖獲罪家謂其家竇武也章德虐害恭懷章帝后竇氏是為章德皇后養梁貴人子肇為子梁貴人以父梁棟為竇氏所陷死獄中貴人亦以憂死後肇立是為和帝追尊梁貴人為恭懷太后安思宗紀惡逆安帝后閻氏是為安思皇后安帝崩閻顯等迎濟陰王保立之是為順帝遂誅閻顯質實臺